

# GO Fihlelela “My Compliance Profile” (MCP) ka SARS eFiling

MCP efa balefela motšhelo sebaka sa go lebelela maemo a bona a obamelo ya motšhelo bjale ka ge go laeditšwe ke SARS go phošolla go se obamele gofe goba gofe go go šupeditšwego. Tsebagatšo ya MCP e thuša balefela motšhelo ka tshedimošo e ntši ka ga obamelo ya metšhelo ya bona gape e bopa motheo wa maemo a obamelo ka botlalo yeo e phatlaladitšwego mabapi le dikgopelo tša TCS (mohlala bakeng sa Thenda goba Maemo a mabotse a tšhelete le tše dingwe).

Go bohlokwa kudu gore o fele o lebelela Maemo a gago a Obamelo ya Motšhelo. Se se ka dirwa gabonolo ka [SARS eFiling](#). Latela dikgato tše go lebelela “My Compliance Profile” ya gago ya maemo a obamelo ya motšhelo goba go lebelela mabaka a goreng o sa obamele tefelo ya motšhelo le ka fao o ka lokišago go se obamele.

## Kgato ya 1: Tsena go eFiling

Tsena go eFiling ka go diriša leina la gago la go tsena le phasewete. Ge eba ga se o tšhwe o thome go diriša eFiling, ngwadiša go [www.sars.gov.za](http://www.sars.gov.za).

O swanetše go ngwadiša bakeng sa eFiling gomme o be le setšweletša se se tee sa motšhelo [bjale ka Motšhelo wa Letseno, Motšhelo wa Boleng bja go Tlaleletšwa (VAT) goba Lefela ka ge o gola (PAYE)] seo se šetšego se dirišitšwe ka go profaele ya gago ya molefela motšhelo gore o kgone go diriša tirelo ya Maemo a Obamelo ya Motšhelo (TCS).

## Kgato ya 2: Diriša Tirelo ya Maemo a Obamelo ya Motšhelo

Balaodi ba eFiling bakeng sa ditheo le ditsebi tša motšhelo ba swanetše go tiišetša gore ditokelo tša maleba di abetšwe go badiriši bao ba hlokago phihlelelo ya tirišo ya maemo a obamelo. Go hwetša tshedimošo enngwe ka ga kabelo ya ditokelo tše, ka kgopelo šupetša go [“Guide to the Tax Compliance Status Functionality go eFiling”](#).

O swanetše go diragatša Maemo a gago a Obamelo ya Motšhelo gape e tla dula e diragatšwa. Tlatša tšhomišo ya Merge Entities go lebelela profaele ka botlalo ya metšhelo ka moka (ge eba o ngwadišitše bakeng sa motšhelo wa go feta o tee). Ge o šetše o e diragaditše gomme e kopantše le go laodiša dinomorošhupetšo ka moka tša motšhelo wa go ngwadišwaa, o tla fiwa phihlelelo go “My Compliance Profile” (MCP).

## Kgato ya 3: Lebelela “My Compliance Profile” ya gago

O ka lebelela profaele ya gago ya obamelo ya motšhelo ka go kgotla go menyu wa kgetho go “My Compliance Profile”.

Maemo a gago a obamelo a tla bewa bjale ka ge go laeditšwe ke SARS kgatlhanong le dinyakwa tše nne tše di latelago tša obamelo:




- **Maemo a Ngwadišo** – o swanetše go ngwadiša gape o diragatše bakeng sa ditšweletša tša motšhelo tše o nago le maikarabelo a tšona;
- **Thomelo ya Pušetšo ya Motšhelo** – netefatša gore ga go na dipušetšo tše di šaletšego ka morago ga ga matšatši a mafelelo a dipušetšo;
- **Sekoloto** - kgonthiša goe ga o na sekoloto seo se šaletšego morago sa motšhelo le SARS bakeng sa dipeakanyo tša tefelo tše di sa dirwago;
- **Ditokumente tša Thekgo tša Maleba** – kgonthiša gore ga o palelwe ke go romela tshedimošo yeo e kgopetšwego ke wena go tšwa ka SARS.

Ke ka fao sekirini sa MCP se bogegago:

## TAX COMPLIANCE STATUS

CLIENT DETAILS	REFRESH STATUS
Client Name:	Last Refreshed: 11/4/2015 2:42:46 PM
Trading As:	
Registration Number:	
Tax Reference:	

SEARCH RESULTS	
MY COMPLIANCE PROFILE	
MY COMPLIANCE PROFILE	
REGISTRATION	Compliant
SUBMISSION OF RETURNS	Compliant
DEBT	Compliant
RELEVANT SUPPORTING DOCUMENTS	Compliant
 Further Information	 Challenge Status
 How to address non-compliance	

Profaele ya mebala e tla tšwelela go laetša ge eba o obamela tefelo ya motšhelo goba aowa.

- **Khubedu** – Merero ya gago ya motšhelo ga e maemong a mabotse ebile ga o obamele tefelo ya motšhelo
- **Tala** – Merero ya gago ya motšhelo e maemong a mabotse gape o obamela tefelo ya motšhelo.

Ka go kgotla dikonope tša katološo ka go la ngele la Registration, Returns Submission, Debt le Relevant Supporting Documents, tshedimošo enngwe mabapi le maemo a obamelo e tla laetšwa bakeng sa eFiler. Ge o bona konope e khubedu bakeng sa go obamele, e katološe go bona bothata bja go se obamele gomme o bone gore o ka phošolla

bjang.

**Dišupi tše tša mebala ke kakaretšo ka botlalo ya maemo a gago a obamelo ya motšhelo go ya ka dinyakwa tša gago tša obamelo.**

Go hwetša dintlha tše dingwe ka ga dikgato, lebelela [Guide to the Tax Compliance Status go eFiling](#).

### Na nka dira eng ge eba “My Compliance Profile” ke e KHUBEDU?

#### Kgetho ya 1: Phošollo ya go se Obamele

Go kgona go šomana le go se obamele, o ka kgetha sešupi sa maemo a “Non-compliant” go bona gore ke dikgato dife tšeo di ka tšewago go phošolla go se obamele. Ka tthatlolano, o ka phošolla go se obamele ga gago ka dikanale le ditshepetšo tše di lego gona.

#### Kgetho ya 2: Go tlotla maemo a gago a obamelo ya motšhelo

Ge eba ga o kgotsofale goba ga o dumelane le maemo a gago a obamelo, o ka fahlela gore ke ka lebaka la eng SARS e hloka go lebelela gape maemo a gago a obamelo ya motšhelo. Se se ka dirwa go eFiling ka go kgotla “Challenge Status” le go fatlhela ka mabaka gore ke ka lebaka la eng SARS e swanetše go lekola gape maemo a gago a obamelo. Ka morago ga thomelo o tla amogela lengwalo la kamogelo le nomoro ya kgetsi. Ge eba o na le ditokumente tša thekgo bjale ka bohlatse bja kgetsi ya gago, o tla kgona go di romela ka letlakala la mošomo la kgetsi.

Tirišo ya “My Account Enquiries” ka fase ga menyu wa Maemo a Obamelo ya Motšhelo e go dumelela go lebelela dipotšišo tša akhaonte go akaretša tšweletšo go dithomelo tša “Challenge Status”.

## **Na o hloka thušo?**

Letšetša SARS Contact Centre go 0800 00 SARS (7277) goba etela [lekala la kgauswi le wena la SARS](#).